

Headline	Lulus pembangunan 22 projek Tenaga Boleh Baharu		
MediaTitle	Harian Metro	Language	Malay
Date	23 Jan 2024	Readership	338,115
Circulation	112,705	Page No	22
Section	Bisnes	Journalist	N/A
ArticleSize	187 cm <sup>2</sup>		
PR Value	RM 22,014		



## Lulus pembangunan 22 projek Tenaga Boleh Baharu

**Kuala Lumpur:** Kementerian Peralihan Tenaga dan Daya Guna Awam melalui Pihak Berkusa Pembangunan Tenaga Lestari (Seda) Malaysia meluluskan pembangunan bagi pelaksanaan 22 projek Tenaga Boleh Baharu (TBB) daripada sumber biogas dan biojisim berjumlah 36.534 megawatt (MW).

Menurut kementerian itu, kelulusan itu di bawah mekanisme Tarif Galakan (Fit) akan membekalkan



Pembangunan projek TBB yang diluluskan ini turut dijangka berupaya mewujudkan nilai pelaburan baharu dalam industri TBB sehingga RM372 juta"

Kementerian

tenaga elektrik hijau kepada Tenaga Nasional Bhd (TNB) seawal 2027.

"Dalam menyokong aspirasi peralihan tenaga negara untuk mencapai 70 peratus campuran kapasiti TBB dalam pembekalan elektrik menjelang 2050, kerajaan mengumumkan penawaran dan pembukaan permohonan kelulusan Fit secara e-bidding bagi tiga sumber TBB iaitu biogas, biojisim dan hidrokuasa kecil mulai 5 hingga 26

Julai 2023," katanya dalam satu kenyataan, baru-baru ini.

Kementerian itu memaklumkan sebanyak 34 peratus permohonan diterima melalui penawaran dan pembukaan permohonan berkenaan.

Tambahnya, penilaian teknikal dan kewangan dilakukan oleh Seda Malaysia terhadap kesemua permohonan yang dikemukakan dan 22 permohonan yang memenuhi kriteria teknikal dan kewangan diluluskan.

"Ini merangkumi 21 projek dengan jumlah kuota 29.534MW untuk penjanaan tenaga elektrik hijau daripada sumber biogas dan satu projek dengan jumlah kuota 7.0MW untuk penjanaan tenaga elektrik daripada sumber biojisim," menurutnya.

Difahamkan, kelulusan pelaksanaan projek TBB baharu di bawah mekanisme Fit itu akan mempel-

bagaikan sumber penjanaan TBB selain sumber solar dan seterusnya meningkatkan lagi daya harap pembekalan elektrik negara, kata Kementerian Peralihan Tenaga dan Daya Guna Awam.

"Pada masa yang sama, pembangunan projek TBB yang diluluskan ini turut dijangka berupaya mewujudkan nilai pelaburan baharu dalam industri TBB sehingga RM372 juta," tambahnya.